

ԳԻՏԵԿԱՆ ԻՆՖՈՐՄԱՑԻԱ

ՀՍՍՌ ԳԱ ԲԻՈԼՈԳԻԱԿԱՆ ԳԻՏՈՒԹՅՈՒՆՆԵՐԻ
ԲԱԺԱՆՄՈՒՆՔԻ ԳՈՐԾՈՒՆԵՈՒԹՅԱՆ ՄԱՍԻՆ*

Ուսկիտական Միության Կոմունիստական պարտիայի XXII համագումարը նշեց և պարտիայի Ծրագրի մեջ մտցրեց այն մեծ միտքը, որ «Գիտության կիրառումը դառնում է հասարակության արտադրողական ուժերի հզոր աճման գործոն»։ Պարտիայի Ծրագրի մեջ բիոլոգիան բնականորեն նշվում է որպես կարևորագույն բնագավառ։

Խնդիր է դրվում բացահայտել օրգանական աշխարհի զարգացման օրինաչափությունները, պարզել կենսական պրոցեսների ղեկավարման տարրերը և դրանք, մասնավորապես՝ նյութափոխանակության, ժառանգականության և օրգանիզմների նյատեղական փոփոխությունները։

Բիոլոգիական գիտությունների բաժանմունքի հիմնարկների կոլեկտիվներն աշխատում են այս հարցերի լուծման ուղղությամբ, տարեցտարի խորացնելով հետազոտական աշխատանքները։

Նուրբ օրգանական Ինստիտուտը 1961 թվականին աշխատել է և 1962 թվականին շարունակել է աշխատել «Օրգանական միացությունների քիմիական կառուցվածքի և նրանց բիոլոգիական ազդեցության միջև եղած կապը» պրոբլեմի վրա։ Սա մտնում է «Բնական և բիոլոգիական ակտիվ միացությունների քիմիան» համամիութենական պրոբլեմի մեջ, որը կոորդինացվում է ՀՍՍՌ Մինիստրների Սովետի Կոորդինացման կոմիտեն։

Հաշվետու տարում մշակվել է 17 թեմա, որից 13-ը քիմիական, 4-ը բիոլոգիական (Ֆարմակոլոգիական կամ քիմիաթերապևտիկական)։

Աշխատանքները կատարվում են սրտանոթային սխեմայի վրա ազդող նյութերի, հակացնցումային պրեպարատների և կուրարանման պրեպարատների ստացման ուղղություններով։

Հետազոտությունների նոր ուղղություններ պարզելու նյատեղով մշակվում են զլաուկոմային, հակախոցային նյութերին և անտիբիոտիկներին նվիրված թեմաներ։

1961 թվականին սինթեզված պրեպարատների թիվը հասել է 700-ի։

Նուրբ օրգանական քիմիայի ինստիտուտում

կատարվող ուսումնասիրությունների արդյունավետությունը թե՛ տեսական ու մեթոդական և թե՛ գործնական տեսակետից հայտնի է։ Նրա ստեղծած պրեպարատները վերաբերում են մի շարք ծանր հիվանդությունների՝ ստենոկարդիա, հիպերտոնիա, պարկինսոնիզմ, էպիլեպսիա, սըրտառիթմիա, խոցեր, երկամա-լյարդային գործունեության խանգարում, տուրբերկուլյոզ։

Ինստիտուտում ՀՍՍՌ ԳԱ ակադեմիկոս Ա. Լ. Մնջոյանի ղեկավարությամբ կատարվող հետազոտություններն աչքի են ընկնում իրենց հստակ սխեմայով—պրեպարատների սինթեզում և նրանց ֆարմակոլոգիական ու թերապևտիկական ուսումնասիրություն՝ ինստիտուտում, այնուհետև նրանց հանձնումը կլինիկաներին՝ փորձարկման համար և դրանից հետո նրանց ներդրումը բժշկական գործի մեջ։

Հաշվետու տարվա վերջում հրատարակվել է Նուրբ օրգանական քիմիայի ինստիտուտի աշխատությունների ժողովածուի 5-րդ հատորը։ Հատորներից յուրաքանչյուրն ընդգրկում է 30 նոր մեթոդ, որոնք լայն հետաքրքրություն են առաջացրել։ Սրինակ, շեխերր առանձին հետաքրքրություն են հանդես բերել 2 մեթոդի նրկատմամբ։ Այս հատորն ավելի մեծ հետաքրքրություն է առաջացրել, քան նախորդները։ Հետերոցիկլիկ միացությունների 4 պրակները թարգմանվել են անգլերեն և հրապարակվել ԱՄՆ-ում։ Այս տարի ինստիտուտը հրատարակել է 28 հոլված։ Հրատարակության է հանձնվել «Քիմիական միացությունների բիոլոգիական հատկությունները» աշխատության առաջին պրակը։

1961 թ. նոյեմբեր ամսին անց է կացվել միութենական խորհրդակցություն՝ նվիրված արփենալ պրեպարատին։

Ինստիտուտի աշխատակիցները մասնակցել են Միջազգային բիոքիմիական համագումարին, դեղագործների 9-րդ կոնֆերանսին, տուրբերկուլյոզին նվիրված ռեսպուբլիկական խորհրդակցությանը, կենտրոնական և վեդետատիվ նյարդային

* Բիոլոգիական գիտությունների բաժանմունքի ակադեմիկոս-քարտուղար Վ. Հ. Գուլջանյանի ղեկուցումից, կարգադրված բաժանմունքի ընդհանուր ժողովում 1962 թ. մարտի 22-ին։

համակարգի ֆիզիոլոգիայի միութենական խորհրդակցությանը Այստեղ կարդացվել են ինստիտուտի ներկայացրած զեկուցումները:

Ինստիտուտը մասնակցել է ԱՄՆ-ում կազմակերպված ՀՍՍՌ-ի թշնամության նվաճումներին նվիրված ցուցահանդեսին, որտեղ ցուցադրվել են գանգլերոն, դիթիլին և սուրեխուլին պրեպարատները:

Բյուլլմիայի ինստիտուտը, որը կազմակերպվեց համանուն սեկտորի բաղայի վրա, իրեն ինստիտուտ, հաշվետու տարում մշակել է և շարունակելու է մշակել 11 թեմա ու 12 ենթաթեմա: Պրորվենները եղել են և դեռ երկար տարիներ մնալու են նույնը, այսինքն՝

1. Գլխուղեղի ֆունկցիոնալ բիոքիմիա: 2. Շաքարախտ: 3. Ֆերմենտատիվ սիստեմների ձևավորումը անհատական զարգացման պրոցեսում:

Ինստիտուտն իր դիրեկտոր ՀՍՍՌ ԳԱ ակադեմիկոս Հ. Խ. Բունյաթյանի ղեկավարությամբ տարեցտարի նոր ավանդ է մտցնում դիտության մեջ՝ գլխուղեղի ֆունկցիոնալ բիոքիմիայի հետ կապված հարցերի ուսումնասիրության ընազավառում, որը հասկանալի է, քանի որ այս գծով պարզաբանվում են գլխուղեղի տարրեր ֆունկցիոնալ վիճակների բիոքիմիական պրոցեսները, որոնք նոր, օրիգինալ տվյալների են հանգեցնում, ցույց տալով, որ գլխուղեղի գործունեության դրդման և արգելակման ժամանակ նյութափոխանակության առանձին պրոցեսներ հակառակ ընթացք ունեն:

Հետաքրքրական է և նպատակասլաց այն, որ սկզբում նշված 3 պրորվենների ընթացքում ուշադրություն է նվիրվում դամա-ամինոկարազաթվի (ԳԱԿԹ-ի) ուսումնասիրությանը, որի շնորհիվ դրական կոմպլեքսայնություն է ստեղծվում ինստիտուտի հետազոտություններում:

1961 թվականին հատուկ ուշադրություն է դարձվել ԳԱԿԹ-ի և ալետիլ-ասպարազինաթվի վրա, որոնք զգալի քանակություններով կան գլխուղեղի հյուսվածքում: Հաշվետու տարում ստացված արդյունքները ցույց տվին, որ ԳԱԿԹ-ը լավ արտահայտված ինսուլինանմանություն ունի, հետևապես, զգալի չափով արագացնում է բրջաթաղանթի թափանցելությունը գլյուկոզի նրկատմամբ և մեծացնում գլյուկոզի արտադրությունը լյարդում, այսինքն բնորոշվում է տրոֆիկ ազդեցությամբ:

Պարզվել է, որ ԳԱԿԹ-ի ազդեցության մեջ նշանակալից դեր են խաղում մակերիկամը և կենտրոնական նյարդային համակարգը: Հաստատված է նաև, որ այս նյութը արագացնում է գլյուկոզի օդադործումը հյուսվածքներում, նույնպես և խթան է հանդիսանում հիստամինային թթվի ու գլյուտամինի առաջացման և

սրանով իսկ գլխուղեղում ամիակի վնասազերծման մեջ:

Ալետիլ-ասպարազինաթվին նվիրված ուսումնասիրությունները ցույց են տվել, որ այդ նյութը յուրացվում է գլխուղեղի հյուսվածքի կողմից նրա այս կամ այն եղանակով հարուցված դրդուման պրոցեսում, իսկ մյուս կողմից մասնակցում է ալետիլացմանը, մասնավորապես ալետիլսուլինի սինթեզում: Հաստատվել է ալետիլ - ասպարազինաթվին հիդրոլիզացնող առանձին հատուկ ֆերմենտի առկայություն, ուստի և ուսումնասիրվել են նրա հատկությունները:

Ադրենալինի, ԳԱԿԹ-ի, հիստամինի և սիրատոնինի վերաբերյալ կատարված մի շարք հետազոտություններ ցույց են տվել, որ այդ նյութահումորները էական ազդեցություն են ցուցաբերում հիպոտալամա-հիպոֆիզարային սիստեմում: Նկատի առնելով ԳԱԿԹ-ի ինսուլինանման ազդեցությունը, հետազոտություններ են ձեռնարկվել շաքարախտի բուժման գործում այն օգտագործելու ուղղությամբ:

Լույս է տեսել ինստիտուտի աշխատությունների երկրորդ պրակը, շուտով լույս կտեսնի երրորդ պրակը: Այս աշխատությունների հրապարակումը լուրջ ավանդ է բիոքիմիական գիտության մեջ:

Բուսարանական ինստիտուտը 1961 թվականին հետազոտություններ է կատարել հետևյալ երեք պրորվենի ուղղությամբ՝ 1. Հայաստանի ֆլորան, բուսականությունը և նրա օդադործումը, 2. բույսերի ինտրոդուկցիան և կանաչապատման դիտական հիմունքները Հայաստանում, 3. ֆոտոսինթեզ, աճեցողություն, դարդացում և սնում:

Հաշվետու տարում ինստիտուտը վերևում նշված 3 պրորվենի ուղղությամբ մշակել է 22 թեմա:

«Հայաստանի ֆլորայի» գծով, որը կազմվում է ՀՍՍՌ ԳԱ թղթակից անդամ Ա. Լ. Թախտաչյանի ղեկավարությամբ, հրատարակվել են 1-ին, 2-րդ և 3-րդ հատորները, իսկ վերջերս՝ նաև 4-րդ հատորը: Այժմ ղեցնեղիայի է ենթարկվում 5-րդ հատորը: Հաջորդ հատորները լրացվում են և ամբողջականացվում:

Արագածի վրա սկսվել են հետաքրքրական աշխատանքներ, որոնք պետք է ամեն կերպ քաջալերվեն և օժանդակություն ստանան:

Հետաքրքիր է Սևանա լճի առափնյա ջրադրվված տարածություններում փակված բուսածածկի, կամ բուսահանրության առաջացման պրոցեսի ուսումնասիրությունը, որը անհրաժեշտաբար բարձր որակով պետք է կատարվի, հանդիսանալով դեորոտանիկայի հարցերից մեկը:

Այս տարի ևս շարունակվել են ծաղկեփոշեբանական հետազոտությունները, նոր հետաքրք-

քրրական տվյալներ ավելացնելով այդ բնագավառում:

Ինտրոդուկցիայի և կանաչապատման դիտական հիմունքների մշակման պծով նույնպես որոշ աշխատանք է կատարվել:

Հետազոտվել են արագած բարդիները: Սրանցից 5-ը շատ արժեքավոր են: Սրանք տվել են արտադրությանը՝ նրանց սուրաք բաղադրումը կազմակերպելու վերաբերյալ հանձնարարականներով:

Ինտրոդուկցիոն աշխատանքներ են կատարվել Կենտրոնական բուսաբանական այգում և նրա բաժանմունքներում (Սևանի և Կիրովականի), նպատակ ունենալով բարելավել կանաչապատման դործը մեր քաղաքներում: Այստեղ կատարվել են միկոլոգիական ուսումնասիրություններ, որոնք ամփոփվել են առանձին գրքուկով: Դրական աշխատանք է կատարվել Երևանի անտառադոտին վերակառուցելու ուղղությամբ: Այս թեմաներից շատերը պետական օրդանների առաջադրանքներ են:

«Ֆոտոսինթեզ, աճեցողություն, զարգացում և սնում» պրոբլեմի դծով ևս հետաքրքրական աշխատանքներ են կատարվում պրոֆ. Վ. Հ. Ղազարյանի ղեկավարությամբ: Պարզվել է, որ տերեններում նյութափոխանակության ժամանակ տեղի է ունենում ամինոթթուների և ածխաջրերի որակական փոփոխություն, որն իր ազդեցությունն է թողնում միրիստեմատիկ բջիջների, մասնավորապես աճման գաղաթի վրա: Այս օրինաչափությունը որոշ լույս է սփռում երիտասարդացման պրոցեսների, պտղաբերման պարբերականության, վեգետատիվ և գեներատիվ զարգացման փոխհարաբերությունների վրա: Այս ուսումնասիրությունները լուրջ նշանակություն ունեն բույսերի պտղաբերումը նպատակադիր կերպով ղեկավարելու հետ կապված հարցերի լուծման համար:

Աշխատանքներ են կատարվել բուսաբանական երեքլեզվյան բառարան կազմելու ուղղությամբ: Շարունակվել է «Երևանի ֆլորա» աշխատություն կազմելու դործը:

Կենդանաբանական ինստիտուտը հաշվետու տարում մշակել է 2 պրոբլեմ և 22 թեմա, իսկ 1962 թվականին մշակելու է 4 պրոբլեմ, որոնք ենթակա են միութենական կոորդինացիային: Թեև պրոբլեմների թիվն աճել է, բայց նրանք ավելի նպատակասլաց են դարձել:

Այսպես, 1962 թվականին մշակվում են հետևյալ պրոբլեմները. Կենդանիների թվի և բաշխման օրինաչափությունների ուսումնասիրությունը՝ նրանցից օգտակարների դացիոնալ օգտագործման և վնասակարների դեմ պայքարի հիմունքները մշակելու նպատակով, Ֆիլոգենետիկ ուղիների պարզաբանման, ֆաունայի զարգաց-

ման և կենդանիների բնական սիստեմի պատմության բացահայտումը. Պարագիտիզմի և պարագիտային ու բնական-օջախային հիվանդությունների վերացման բիոլոգիական հիմունքների ուսումնասիրությունը, անհատական զարգացման օրինաչափությունները և նրա ղեկավարումը հիբրիդացման հարցերի սլարգաբանման կապակցությամբ:

Որոշ ուսումնասիրություններ են կատարվել դյուդատնտեսական կուլտուրաների վնասատուների, մասնավորապես դաշտացեցի վերաբերյալ:

Հետազոտություններ են կատարվել Հարավարևելյան Հայաստանի ծղրիղների, ճոխների, կոկցիդների, դյուդատնտեսական մի քանի կուլտուրաների նեմատոդների, քառոտանի տիդերի, դամագիդ տիդերի, նաև մորեխների վերաբերյալ:

Շարունակվել է մոդեսների ձևագոյացման և նրա զարգացման առանձնահատկությունների ուսումնասիրությունը:

Հետաքրքրական ուսումնասիրություններ են կատարվել դյուդատնտեսական կենդանիների հելմինտոզների ուղղությամբ:

Շարունակվել է մանր ու խոշոր եղջերավոր անասունների աղիքային ցեստոդոզի հարուցիչ բիոլոգիայի և հավերի ռայետինոդի հարուցիչների միջանկյալ տերերի հետ կապված հարցերի մշակումը:

1962 թվականի ընթացքում ավարտվելու է ինստիտուտի նոր շենքի կառուցումը, որի ուղղությամբ մեծ ջանքեր է թափել ինստիտուտի գիրեկտոր Ա. Հ. Զիլինգարյանը:

Միկրոբիոլոգիայի ինստիտուտը աշխատում է «Միկրոօրգանիզմների գործունեության ղեկավարման ֆիզիոլոգիական և բիոքիմիական հիմունքները» պրոբլեմի ուղղությամբ, որը միութենական կոորդինացման է ենթակա: Թեմաների թիվը՝ 11:

Այս թեմաներն ընդգրկում են ընդհանուր միկրոբիոլոգիայի, հողի միկրոբիոլոգիայի, արդյունաբերական միկրոբիոլոգիայի մի շարք կարևոր հարցեր, ինչպես և բույսերի բակտերիալ ու վիրուսային հիվանդությունների և միկրոբիոլոգիական ծագում ունեցող ֆիզիոլոգիական ակտիվ նյութերի հարցերը:

Հաշվետու տարում հրատարակվել է «Միկրոբիոլոգիայի հարցերը» ժողովածուի 11-րդ հատորը: Վերջերս լույս տեսավ «Անտիբիոտիկների կիրառումը բուսաբանության մեջ» ժողովածուն: Այստեղ գեաուղված են միկրոբների և անտիբիոտիկների անտադոնիզմի երևույթի ուսումնասիրությանը և բուսաբուծության մեջ նրանց կիրառմանը նվիրված համամիութենական 1-ին կոնֆերանսի նյութերը: Այս կոնֆերանսում Միկրոբիոլոգիայի ինստիտուտից հանդես են եկել շատերը:

Տպագրության է հանձնվել ինստիտուտի գի-
րեկտոր, ՀՍՍՌ ԳԱ թղթակից անդամ Հ. Կ. Փա-
նոսյանի ագրոնոմիական միկրոբիոլոգիայի ձեռ-
նարկը, 25 մամուլ ծավալով:

Ագրոնոմիայի լաբորատորիան ՀՍՍՌ ԳԱ
ակադեմիկոս Գ. Ս. Դավթյանի ղեկավարությամբ,
վերջին տարվա ընթացքում լուրջ վերակառուց-
ման է ենթարկել իր աշխատանքները: Այստեղ
հետազոտություններ են կատարվելու հիդրո-
պոնիկայի և ընկույզի մեջ նյութերի, հատկապես
ազոտի շրջանառության ուսումնասիրության ուղ-
ղությամբ:

Հաշվետու տարվա ընթացքում լաբորատորիան
ավարտել է «Հայաստանի հողերի ղլխավոր տի-
պերի ագրոքիմիական բնութագրումը» պրոբլեմի
առաջին մասը: Այս աշխատանքը կատարվել է
մեծ մասշտաբով և ելնելով այն դրույթից, որ
հենակետային ուսումնասիրությունները՝ լրաց-
ված ստուգողական կտրվածքներով, տալիս են
տվյալ հողատիպի պատկերը:

Այս աշխատանքները կատարվել են Արա-
րատյան հարթավայրի լեռնային շագանակագույն
և անտառային տափաստանացված հողերում:

1961 թվականին շարունակվել են անհող մի-
ջավայրում կուլտուրական բույսեր աճեցնելու
աշխատանքները: Մտացված տվյալները ցույց
են տալիս, որ կարելի է, օրինակ, դազարի բերք
ստանալ համեմատաբար փոքր ծախսերով և այն
ժամանակ, երբ այդ կայահանքի կոնսերվի արդ-
յունաբերությունը: Բայց այս ուղղությամբ դեռևս
շատ աշխատանք պետք է կատարվի: Այս տարի
դգալի գործ է կատարվել փորձա-արտադրական
քաղալի կազմակերպման ուղղությամբ: Բացի
այդ, նախագծվել է կանաչ կերի արտադրման
փորձնական ֆարերկայի շինարարությունը, որը
հնարավորություն կտա 6—7 օրը մեկ անգամ
բերք հավաքել, իսկ որոշ սիստեմ մշակելու դեպ-
քում՝ բերք հավաքել ամեն օր և այնքան, որ-
քան հարկավոր է կենդանիների տվյալ գլխա-
քանակի համար:

Հաշվետու տարվա ընթացքում որոշ ուսումնա-
սիրություններ են կատարվել խլորիլաչրիմուռի
ուղղությամբ:

Հաշվետու տարում տպագրության է հանձն-
վել Ագրոքիմիայի լաբորատորիայի ժողովածուի
4-րդ համարը:

Սևանի հիդրոբիոլոգիական կայանը կարևոր
աշխատանք է կատարում, մշակելով «Սևանա
լճի ջրերի ինկցման ազդեցությունը նրա ֆլորայի
ու ֆաունայի և ձկնապաշարների վերարտադրման
վրա»: 1962 թվականին ևս մշակվելու է այս
պրոբլեմը: Մյուս պրոբլեմն ընդգրկում է Հա-
յաստանի ղետերի, լճերի և ջրամբարների ու-
սումնասիրության հետ կապված հարցերը:

Պարզվել է, որ այժմ, երբ լճի խորությունը
պակասել է ավելի քան 15 մետր, մնացած ջրա-
շերտի վիճակն զգալի փոփոխությունների է են-
թարկվել: Այստեղ ավելացել է զանազան նյու-
թերի՝ ադոտի, ֆոսֆորի, երկաթի և այլ նյու-
թերի քանակությունը և, ընդհակառակը, պա-
կասել է կայծաքարի քանակությունը, նվազել է
ջրի վճիտությունը և այլն: Պակասել է նաև միկ-
րոֆոտորենտոսը: Մանրամասն ուսումնասիրու-
թյուններ են կատարվել ձկան մատղաշի բիոլո-
գիայի վերաբերյալ:

Կայանի ուսումնասիրություններն օգնել են
ձկնորսության մակարդակը բարձր պահելու
դործին: Կայանի գիրեկտոր Ա. Գ. Մարկոսյանի
ջանքերով հաշվետու տարում զգալի կերպով
աճել է հիդրոբիոլոգիական աշխատանքների
նյութատեխնիկական բաղան:

Դիոնս անրավարար է գետերի ու ջրամբար-
ների ուսումնասիրությունը ձկնարուծության տե-
սակետից: Քանի որ ռեսպուբլիկայում ջրաշինա-
րարական մեծ աշխատանքներ են կատարվելու,
ապա մեծ հեռանկարներ են բացվում նաև ձրկ-
նարուծության համար, որին կայանը պետք է
պատրաստվի՝ այդ ջրամբարներում ձկնարուծու-
թյունը զարգացնելու նպատակով:

1961 թվականին կայանը տպագրության է
հանձնել իր աշխատությունների 16-րդ հատորը:

* * *

Հաշվետու տարում զգալի չափով ուժեղացել
է կապը ԿԵՄՈԼԻՐԱՏԱԿԱՆ ԵՐԿՐԵՆԵՐԻ հետ և դր-
նալով, այն ավելի է ուժեղանում: Նուրբ օրդա-
նական քիմիայի ինստիտուտից Զեխոսյովակիա-
յում եղել են 3 մարդ: Կապիտալիստական երկր-
ների հետ կապը իրականանում է գիտական աշ-
խատությունների, սերմերի (Բուսաբանության
ինստիտուտ) փոխադարձ առաքումներով, նաև
գործուղումների միջոցով:

Կադրերի սլուսուբաստման ուղղությամբ թիպետ
որոշ աշխատանք կատարված է (1961 թ. պաշտ-
պանվել է մեկ դոկտորական և 8 թեկնածուական
դիսերտացիա), բայց գոյություն ունեցող վիճակը
պետք է մեծ ուշադրություն դրավի: Բիոլոգիայի
բնագավառը պետք է հարստանա երիտասարդ
կադրերով:

Լուրջ ուշադրություն պետք է դարձվի նաև գի-
տահետազոտական աշխատանքների արդյունքնե-
րի ներդրմանը արտադրության մեջ: Այդպիսի
արդյունքների հաջող ներդրումը բավականաչափ
կբարձրացնի Բիոլոգիական գիտությունների բա-
ժանմունքի հիմնարկների գործունեության էֆեկ-
տիվությունը: